

Zeitschrift: Le nouveau conteur vaudois et romand
Band: 93 (1966)
Heft: 1-2

Artikel: Du tein du Grou-Bellet = (Au temps du Gros-Bellet)
Autor: Défago, Adolphe
DOI: <https://doi.org/10.5169/seals-234133>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 11.05.2025

ETH-Bibliothek Zürich, E-Periodica, <https://www.e-periodica.ch>



Du tein du Grou-Bellet

(Au temps du Gros-Bellet)

Lé pré de 300 an ke lou 6 dizain du Bâ-Vala l'en ito deso la patta dé Seigneu du Haut-Vala. Lein ire du mémo dé vau-doï avoui lé groussé nukie dé bernois.

Noutrou bailli l'iran pas tan sshato¹ avoui lou païjan : de lé dimé po teté lé bougréro, de lé amendé po dé rein. Cein fi ke, on dé noutro, le Grou-Bellet, kein desaian, l'ava ito amendo po ava séparo dou type de canteu ke se beurrâvan bâ pè Vèr-Einci. Et pi, avoui cein, la fi sékéstrâ la rouga de Bellet le dzeu de la fare² du termo à Montha. Cein l'ire le 7 du ma³ d'octobre 1790. Adon le Grou-Bellet, kan la zu appra cein, la lévo lou dou poiein, sèro lé dein et avoui na pou-gna de vod'zein, cein va u tsâté⁴ de Montha, furieu kemein on boeu ke tsèrdze la brotta, l'atrâpe le bailli Shiner pè la boueska, le tri foué pè na fenêtra et le sakeu⁵ kemein saré on panté su na louie po le dépeussetâ... Kan le bailli l'a pu s'étsapâ, l'a fego via à grou peco⁶, liâ pè du lo de Massondgi. Cein fi ke, ein place d'allâ fire na balâda, cé dzeu, su la béla rouga⁷ de Bellet, l'a pi du allâ à pia et cein n'a pas ito to solé po le pouro bailli : l'ava dé z'agasson⁸ grou kemein de lé empoué muré su lou z'èrté, pi, du momein ke l'ava pèrdu sa pèruka dien lé man du Grou-Bellet, du tein de la bagâra, l'a-te pas attrapo on coup de solé su la téta pelâie kemein on dèra de pepon !...

Su la rota de Massondgi, et sacramein-tâve : « Bougro de tchétrin, ke desa, gadzo

ke veu n'aro pâmi le lezi de pouétâ mou meubzo kan veu saro peindu à la potence. Et te, mon Bellet gadzo ke te me tri pas foué dou coup pè la fenêtra avoui té groussé paté kan lé saïon peindu u bé de na corda !... »

Arrevo à Saint-Mourei, l'a démando n'achito de sepa à son collègue, du tein ke l'ire a dzon et pi la ia démando na feuze de papa po pourtâ pzeinte, mé cein n'a rein valu paske l'ava zu to, loué mémo, avoui le Grou-Bellet. On ne l'a jami reiu...

Kan lou Vod'zein l'en zu appra la mo de cé bailli, desaian pèrmi leu : « Ke Diu usse se n'âma. Ara ke nein la libèrto, neu fo le pèrdenâ suto se cé pouro diâbzo da restâ tanmené gran tein ein Purgatoire... »

Adolphe Défago.

¹ Doux. ² Foire. ³ Mois. ⁴ Château. ⁵ Secoue. ⁶ S'échappe à gros sauts. ⁷ Jument. ⁸ Cors aux pieds.

